

cri Luci ætatem, everfionemque facile ftatuere poffumus .
Verum quum nondum omnia investigata fint, contiguumque
pradium perferutari quam primum in animo habeam, malui
intacta omnia relinquere peculiari differtatiunculæ *de Luco Sæ-
cro Veterum Pisaurenfium*, qua pro meis viribus illustrare cono-
bor illa pene ignota numina, quæ in Infcriptionibus me-
morantur, omnes Luci ipfius partes, hiftoriamque, figna,
donaria, numifmata, omnia denique, quæ in eo reperta
fuerunt.

Supereft nunc, ut earum MSS. Collectionum, quas fæpius
memoravi, ex quibus Infcriptiones, quæ perierant, reftitutz
funt, indiculum paullo accuratiorem contexam.

I. Ut ab antiquioribus exordium fumam, non parum Lucis
attulit libellus, quem *Memorie* &c. infcripfit Hieronymus Ar-
ditius, Patricius Pifaurenfis, qui anno circiter 1580. floruit.

II. Quotquot fua ætate Pifaurei reperiebantur Infcriptiones
fervavit nobis Sebafianus Maccius Pifaurei primum, mox Pata-
vii humaniorum literarum Profeffor; ejus tamen fides fufpecta
aliquando mihi eft, feu quia decipere alios voluit, ut ab
Acciis Pifaurenfibus genus fuum ducere videretur, feu quia
ab aliis, ferione, an joco, haud fcio, deceptus ipfe vere fuit.

III. Magno mihi adjumento fuit MSS. Collectio Infcriptio-
num Pifaurenfium a Salvatore Salvatorio confefta anno 1628.
cujus autographum habeo, quod ipfe Salvatorius Nob. Viro
M. Antonio Gozzeo nuncupavit, marginalibus ejufdem M.
Antonii Annotationibus conspicuum; idcirco Collectionem hanc,
M. Antonii Gozzei collectionem fæpius appellavi, quod illi
ad manus fuerit, ab eoque cum ipfis lapidibus collata, &
pluribus in locis emendata. De duobus his clariffimis Civibus,
Patriæque amantiffimis fufius agemus Deo volente in libello
de Viris Illuftribus Pifaurenfibus.

IV.